

جریدہ علمیہ

مشیت جلیلہ اسلامیہ مکہ جریدہ رسیہ سیدر

اوائل ربیع الاول ۱۳۳۳

عدد: ۹

آیدہ بر نشر النور

برنجی سنہ

ایله زراعت اولئان اوتوز دونم خالی یرک اطرافنده طاش دیوار و جاجمالک اشجار اولمغله
اول یرک اوچ حصه دن ایکی حصه سنی بن ضبط ایدرم دیمکه قادر اولورمی الجواب : اولماز .

*
**

اراضی، حق قرار :

زید هندک طابو ایله تصرفنده اولان تارلای یکرمی سنه تغلباً ضبط ایلسه حالاهند
اول تارلای زیددن طلب ایتدکه زید معترف ایکن مجرد وجه محرر اوزره یکرمی سنه
ضبط ایتمله بنم ایچون حق تصرف ثابت اولمش اولور دیو ویرمامکه قادره اولورمی
الجواب : اولماز .



اجوبه شرعیه

« رشده دائر » [*]

زوجه زوجنك خانه سنده اقامته شرعاً مجبوره اولدینی کبی زوجة مزبوره زوجنك
اذنی اولمغسزین سبب شرعی موجود اولمادینی حالده زوجنك خانه سنی ترك ایده مز .
اكر ترك ایدرایسه تاشزه و عاصیه عد ایدیه جکندن فقهده ساقطه و زوجی ایله برلکده
بولمغه اجبار ایدلسی لازم اولور . محافظه عرض و ناموس ایسه برعائله ایچون برامردینی
اولمغله اعذار شرعیه دن بر عذر شرعی یه بناءً زوجنك خانه سندن چیمغه مجبور اولان
رشیده وکنج برقادین هر حالده اب ویا جدینك خانه سنده اقامت ایتسی اقتضا ایدر .
برقیز رشیداً بالغ اولدقن صوکره تأهل ایتمش اولسون اولماسون پدرینك حق ولایتی
ساقط اولور . فقط ذات الزوج اولدینی تقدیرده زوجنك خانه سنده اقامته مجبور اوله جنی کبی
ذات الزوج دکل ایسه محافظه ناموس ایچون پدری مزبوره بی نفسنه ضم ایدرک یا سنده اقامته
اجبار ایده بیلیر . مکرکه مزبوره یا شلی برقادین اوله . او حالده دیله دیکی یرده اقامت ایله بیلیر .

[*] درصعدات آوستریا و مجارستان سفارتندن بروجیه آئی وقوع بولان استفتا اوزرینه قنواخانه عالی دن ویریلان جوابدر .
اسئله :

ذات الزوج ورشیده اولان برقادین زوجی خانه سندن مشروع و غیر مشروع صورتده چیقار ایسه پدری خانه سنه
کیتمکه بر مجبورتی وارمیدر ؟

رشیده اولان برقادین تأهل ایتسیله پدرینك کندیسنده اولان حق ولایتی ساقط اولورمی ؟.